

centes, mortale peccatum esse in ratione: veniale autem in sensualitate.

41. Item: venialia peccata per se non esse contra legem Dei, nec habere rationem peccati: igitur non opus esse de illis contritione: nec impedire ea perfectionem obedientiæ renatorum in hac vita.

42. Errant, qui fingunt, gratiam semel acceptam non posse amitti.

43. Item: qui statuunt, eum, qui labitur in peccata mortalia, nunquam habuisse fidem, aut Sp. S. Quo modo plantatur dubitatio in animis omnium hominum: siquidem omnes sæpius labimur.

DISPUTATIO XX.

DE ECCLESIA.

THESIS I.

Disputatio de Ecclesia & utilis est, & summè necessaria: 1. propter Papistas, Ecclesiæ titulo & authoritate traditiones suas defendentes: 2. ob fanaticos, qui se veram esse Christi Ecclesiam gloriantur. 3. Ne putetur Ecclesia esse colluvies quarumvis sectarum. 4. Ne Ecclesia æstimeretur, vel ex majorum pietate & doctrina, à qua tamen polteri desciverunt: vel 5. ex multitudine, & maiore parte hominũ. 6. Ne securitas alatur eorum, qui se nulli cœtui conjungunt, nullam Ecclesiam curant,